

NOVVS ORBIS.

TO^{tum} hoc Hemisphærium (quod America, atque ob immensam suam amplitudinem, Nouus Orbis hodie vocatur) veteribus incognitum mansisse usque ad annum à Christo nato M. cccc. xcii. quo primū Christofero Columbo Genuense detectam fuit, humanæ admirationis modum excedere videtur. Considerata namq; cùm antiquorum in describendo terrarum Orbe diligentia, & amplissimorum Imperiorum ad perquirendas Regiones commoditate, opportunitateque; tum humani generis dira atque insatiabili auro atque argento inhiante cupidine, nihil non tentante, quò iis potiatur quibus haec Regiones incredibili copia abundant, tam diu potuisse nostro Orbi latere, non semel mirati fuimus. Sunt, qui hanc Continentem à Platone sub nomine Atlantis descriptam opinentur; Inquitque Marinæus Siculus in Chronico suo Hispaniæ, hic nummum antiquum Augusti Cæsaris effigie insignitum, in aurifodinis inuentum esse, missumque in rei veritatem summo Pontifici, per D. Ioannem Rufum, Archiepiscopum Consentinum. Nonnulli Senecam Poëticō cœstro percitum, præagiisse huius inventionem, hisce fatidicis versibus, opinantur:

<i>Venient annis Sæcula seris, quibus Oceanus Vincula rerum laxet, & ingens</i>	<i>Pateat tellus, Typhisque nouos Detegat Orbes, Nec sit terris ultima Thyle.</i>
---	---

Quemadmodum & illud Sibyllæ Carmen, quod Iacobus Nauarchus inuentum scribit Anno M. ccccc.v. in calce Lunæ promontorij (Rochan de Sinna vulgo dictum) ad littus Oceani, quadratæ columnæ insculptum; regnante Emanuele Lusitanorum rege:

*Voluerunt saxa litteris & ordine rectis,
Cùm videas Occidens, Orientis opes.
Ganges, Indus, Tagus, erit mirabile visu,
Merces commutabit suas uterque sibi.*

Tota hæc Orbis pars hodie circumnavigata est, præter eum tractum qui Septentrionem aspicit, cuius littora nondum perlustrata sunt. A Septentrione in Meridiem descendit sub forma duarum Peninsularum, quæ tenui Isthmo discernuntur. Ea Peninsula quæ Septentrionalior est, Nouam Hispaniam, Mexicanam Prouinciam, Terram Floridam, & Terram nouam compræhendit. Meridionalior verò (quæ Terra firma Hispanis vocatur) Peruuiam, Bresiliamque continet. Quarum omnium Regionum cognitionem legere potest Geographiæ studiosus apud Leuinum Apollonium; Petrum Martyrem Mediolanensem; Maximilianum Transsyluanum, qui Latina lingua de iis scripsierunt. Plura non negligenda etiam videre sunt inter Iesuitarum epistolæ. Promittit & Postellus Commentaria rerum Atlanticarum.

Hi sequentes ex professo de ea scripsierunt: sed vernacula lingua omnes, quæ ut plurimum Hispanica est; sed Italica interpretati magna ex parte etiam extant.

PETRVS CIECVS LEGIONENSIS,
GONSALVS FERNANDVS OVIEDVS,
FERNANDVS CORTESIVS,
PETRVS ALVARADVS,
DIEGVS GODOYVS,
ALVERES NVNNIVS,
NVNNIVS GVSMANNVS,
FRANCICVS VLLAVS,
FRANCICVS VASQVES,
ANTONIVS MENDOZA,

FRATER MÄRCVS NIZZENSIS,
FERNANDVS ALARCHONIVS,
FRANCICVS XERESIVS,
IOANNES VERAZZANVS,
AMERICVS VESPVCIVS,
FRANCICVS LOPEZ DE GOMARA,
HIERONYMVS BENZONIVS,
IACOBVS CARTIER, &
ANDREAS THEVETVS, Gallicè scripsit,
IOANNES STADENSIS Germanicè.

AMERICAE SIVE NOVI ORBIS, NOVA DESCRIPTIO.

*V*sterius Septentrionem versus hę
regiones incognitę adhuc sunt.

SEPTENTRIO

